

阿毗曇毗婆沙論卷第四十八

規八

阿毗曇毗婆沙論卷第四十九

規九

迦旃延子造 北涼門浮陀跋摩若道泰譯

使捷度人品第三

結有二種謂見道斷種欲修道斷種欲界有二種色界有二種無色界有二種頗欲界繫見道所斷修道所斷結頓得耶乃至廣說章及解章義此中應廣說優波提舍問曰何故作此論答曰此諸煩惱於生死中作大繫縛無利嶮難猶如怨家藏伏於欲欲界受大苦惱於色無色界受大苦惱於生死中數數迴轉處在母胎闇冥之處生藏熟藏之所逼切不知云何推求此結如實知見而除斷之欲令

知故猶如怨家藏伏不知則害知則可避彼亦如是是故應思量觀察種種善語乃至生之處而不忘失如尊者彌多達子初生時而作是語結有二種謂見道斷種修道斷種欲界有二色界有二無色界有二問曰何故彼生時作如是語答曰彼在母胎為眾苦所逼而作是念眾生何故數處母胎受如是等苦皆以此二種結故欲說此二結過患故生時便作此語結有二種欲界有二乃至廣說問曰何故名種答曰此中說聚是種如眾多比丘聚名比丘種如婆羅門聚名婆羅門種彼亦如是所言種者亦可言聚亦可言羣實義是一名有差別頓得耶云何名頓得答曰頓得名一時何以知之答曰有經說波斯匿王往詣佛所面共世尊種種言論在一面坐而白佛言我聞沙門瞿曇作如是說於去來今無有沙門婆羅門能如實知見一切法若言知見無有是處沙門瞿曇為憶念有此語

不佛答王言我不憶念王復問言沙門瞿曇世或有人不善受文義聞時異為他說異唯願世尊憶念此事而解說之佛答王言我曾作是說於去來今世有頓得如實知見一切法者若言頓得知見無有是處皆從三阿僧祇劫漸漸修行六波羅蜜然後乃知非一時知以是事故知頓得是一時頗欲界繫見道修道所斷結頓得耶答曰頓得離欲凡夫人於彼無欲退問曰誰頓得耶答曰凡夫人離欲愛時欲界繫見道修道所斷結摠為一聚如刈草法九種結一時斷以下下無礙道斷上上結乃至以上上無礙道斷下下結凡夫人以下下結於彼無欲退頓得欲界繫見道修道所斷一種結下中退頓得二種乃至以上上結退頓得欲界繫見道修道所斷九種結色界無色界命終生欲界時凡夫人以下下結乃至上上結令生相續頓得欲界繫見道修道所斷九種結頓捨耶答曰捨凡夫人

離欲愛時問曰誰頓捨耶答曰凡夫人離欲愛時欲界繫見道修道所斷九種結摠為一聚如刈草法九種結一時斷以下下無礙道斷上上結乃至以上上無礙道斷下下結於彼無欲退若以色界繫下下結退者彼頓得色界繫見道修道所斷一種結下中退頓得二種乃至以上上結退頓得色界

規九

二

規九

三

繫見道修道所斷九種結若以欲界下下結乃至上上結退彼時頓得色界繫見道修道所斷九種結復有說者此文應如是說離色愛凡夫人以欲界梵世地結退不應作是說所以者何此中說於界頓得不說地頓得若以第四禪結退乃至以欲界結退是時頓得色界繫見道修道所斷結無色界命終生欲色界是時頓得色界繫見道修道所斷結凡天人無色界命終生欲色界中以下下結乃至上上結令生相續頓得色界繫見道修道所斷九種結頓捨耶荅曰捨凡夫人離色愛時問曰誰頓捨耶荅曰凡夫人離色愛時色界繫見道修道所斷結摠爲一聚如刈草法九種結一時斷以下下無礙道斷上上結彼頓捨色界繫見道修道所斷結乃至以上上無礙道斷下下結頓捨色界繫見道修道所斷結漸得耶荅曰不得所以者何無有先得見道所斷後得修道所斷者無有先得修道

所斷後得見道所斷者漸捨耶荅曰捨世尊弟子先捨見道所斷結後捨修道所斷結見道捨見道所斷修道捨修道所斷頓頓得無色界繫見道修道所斷結耶荅曰不得所以者何頓得是凡夫人無有凡夫人能盡斷無色界結捨彼退頓得無色界見道修道所斷結者頓捨耶荅曰不捨所以者何頓捨者是凡夫人無有凡夫人頓捨無色界煩惱者漸得耶荅曰不得所以者何無有先得見道所斷結後得修道所斷無有先得修道所斷後得見道所斷者漸捨耶荅曰捨世尊弟子先捨見道所斷結後捨修道所斷結見道捨見道所斷結修道捨修道所斷結有世俗行問曰凡夫人以世俗道離欲時斷九種結幾無礙道捨幾解脫道捨聖人以無漏道斷九種結幾無礙道捨幾解脫道捨荅曰或有說者凡夫人斷九種結以三無礙道三解脫道斷謂下下無礙道下下解脫道斷

規九

四

上三種結下中無礙道下中解脫道斷中三種結下上無礙道下上解脫道斷下三種結聖人亦如是復有說者凡夫人斷九種結以一無礙道一解脫道斷聖人斷九種結以一無礙道九解脫道斷

問曰何故凡夫人斷九種結以一無礙道一解脫道斷聖人斷九種結以九無礙道九解脫道斷耶答曰凡夫人所用道鈍於前法不能觀察思量一一分別聖人所用道猛利於前法能觀察思量一一分別問曰若作是說欲令凡夫人是下而說是勝欲令聖人勝而說是下所以者何凡夫人斷九種結以一無礙道一解脫道斷聖人斷九種結以九無礙道九解脫道斷是則凡夫人勝於聖人如人多服毒藥一時吐出誰不可耶評曰應作如是說凡夫人斷九種結以九無礙道九解脫道斷聖人亦亦問曰若凡夫人斷九種結以九無礙道九解脫道斷聖人亦亦者凡夫聖人有何

差別答曰凡夫人見道所斷修道所斷結摠為一聚如刈草法九種結一時以九無礙道九解脫道斷聖人見道所斷九種結以一無礙道一解脫道修道所斷九種結以九無礙道九解脫道斷凡夫聖人是謂差別

問曰以世俗道斷結時以幾方便以幾入定

規九

五

答曰以三方便以三入定以初方便以初入定斷上三種結以第二方便以第二入定斷中三種結以第三方便以第三入定斷下三種結問曰為起定斷耶為不起定斷耶答曰或有說者凡夫人不起定斷聖人或起定或不起定斷復有說者凡夫人或起定不起定斷聖人不起定斷評曰應作是說此事不定凡夫人或不起定聖人或起定不起定凡夫人或起定不起定聖人或不起定而斷結復有說者斷欲界結不起定斷色無色界結或起定或不起定復有說者斷欲界結或起定或不起定斷色無色界結不起定評曰此事

不定斷欲界結起定不起定斷色無色界結不起定斷欲界結不起定斷色無色界結起定不起定是則說勝進時

凡夫人起下結退時成就下三種結起中結退時成就六種結起上結退時成就九種結聖人起下下結退時乃至起上上結退時成就九種結聖人如前說問曰何故凡夫人起下下結退乃至起上上結退時成就九種結聖人起下下結退時成就下下結起下中結退時成就二種乃至起上上結退時成就九種結

曰凡夫人以世俗定自持彼定性羸劣聖人無漏定自持彼定牢固應作是說凡夫人不服毒藥而死評曰應作是說凡夫人起下下結退還成就下下結乃至起上上結退成就九種結問曰若然者凡夫人聖人有何差別答曰凡夫人若起下下結退成就見道修道

所斷下下結乃至起上上結退成就見道修道所斷九種結聖人起下下結退時成就修道所斷下下結乃至起上上結退時成就修道所斷九種結不成就見道所斷結凡夫人聖人是謂差別

在欲界聖人有三事一畢竟離欲而命終二

規九

六

退已而命終三漸離欲已而命終凡夫人有二事一畢竟離欲而命終二退已而命終在色界聖人有三事一畢竟離色愛而命終二漸離欲而命終不退所以者何色界無有退者凡夫人有一事畢竟離色愛而命終不退所以者何色界無退無漸離欲而命終者問曰何故聖人有漸離欲而命終凡夫人不尔耶答曰聖人以無漏道自持彼道牢固凡夫人以世俗道自持彼道羸劣復次聖人成就定慧分故漸斷結而命終凡夫人不成就定慧分故不能漸斷結而命終復次聖人成就無漏分故漸斷結而命終凡

夫人無無漏分故不能漸斷結而命終復次
 聖人有業力道力以業力故能漸斷結而命
 終以道力故能畢竟離欲而命終凡夫人無
 業力以道力強能畢竟離欲而命終者則退
 復次欲界聖人分中有漸離欲人若斷三種
 四種結名家家若斷六種結名斯陀含若斷
 七種八種結名一種子是故聖人有漸離欲
 而命終者凡夫人分中無漸離欲而命終是
 故凡夫人無漸離欲而命終者尊者僧伽婆
 修說曰凡夫人亦有漸離欲而命終者住相
 續心還成就本所斷結評曰不應作是說如
 前說者好

規九

七

以世俗道離欲時無礙道有幾行解脫道有
 幾行答曰無礙道有三行謂鹿行苦行鹿壞
 行解脫道有三行謂止行妙行離行問曰若
 無礙道中有鹿行彼解脫道中有止行耶若
 無礙道中有苦行彼解脫道中有妙行耶若
 無礙道中有鹿壞行彼解脫道中有離行耶

答曰或有說者如所問若無礙道有鹿行者
 彼解脫道必有止行若無礙道有苦行者彼
 解脫道必有妙行若無礙道有鹿壞行者彼
 解脫道必有離行評曰此事不定若無礙道
 中有鹿行彼解脫道中三行展轉現在前若
 無礙道中有苦行鹿壞行者解脫道中三行
 展轉現在前

問曰以世俗道離欲愛時無礙道為緣何法
 解脫道為緣何法答曰九無礙道緣於欲界
 九解脫道緣於初禪問曰若然者根捷度說
 善通如說頗思惟色界法能知欲界耶答言
 能知云何不緣倒錯行倒錯若緣行倒錯云
 何不為離欲法作障礙留難耶答曰假令緣
 行倒錯而不能為離欲法作障礙留難所以
 者何於彼離欲法已善修習徑路已成就如
 見道中緣欲界忍智後緣色無色界忍智現
 在前緣色無色界忍智後緣欲界忍智現在
 前如此雖復緣行倒錯而不為得正決定而

作障礙留難所以者何於彼見道已善修習
徑路已成就彼亦如是復有說者九無礙道
八解脫道緣於欲界最後解脫道緣於初禪
如以滅道智離非想想處愛彼九無礙
道八解脫道緣於滅道最後解脫道緣於非
想想非想想處四陰彼亦如是復有說者若離
欲愛時起定斷一種結已而住彼一無礙道
緣於欲界一解脫道緣於初禪若斷二種結
已而住彼二無礙道一解脫道緣於欲界一
解脫道緣於初禪若乃至斷八種結已而住
彼八無礙道七解脫道緣於欲界第八解脫
道緣於初禪復有說者九無礙道九解脫道
盡緣欲界如以苦集智離欲愛時九無礙道
九解脫道緣於欲界彼亦如是問曰若然者
則不緣行倒錯於離欲法不作障礙留難根
捷度說云何通耶如說頗思惟色界法能知
欲界耶答言能知答曰此說先觀察分別時
行者先作如是分別觀察欲界是鹿初禪是

規九

八

止問曰根捷度所說復云何通如說頗思惟
無色界法能知欲界耶答言不能知行者是
時不先分別觀察欲界是鹿無色界是止耶
何故言不能知耶答曰行者亦分別觀察而
所觀是遠非於如是遠觀後而能離欲復有
說者九無礙道九解脫道盡緣初禪問曰若
然者根捷度說善通如說頗思惟色界法能
知欲界耶答言能知亦非緣行倒錯云何緣
於他處離他處欲耶答曰若緣餘處離他處
欲此亦無過如以滅道智緣於滅道而離苦
集所斷欲彼亦如是如是所說盡為生弟子
覺意故然此義最勝初說九無礙道緣於欲
界九解脫道緣於初禪者好
問曰無礙道中為修幾行解脫道中為修幾
行答曰凡夫人離欲愛時無礙道中修鹿等
三行八解脫道中修六行謂鹿等三行止等
三行最後解脫道中即修此六行亦修未至
初禪無量行乃至離無所有處愛亦如是聖
規九

規九

九

人離欲愛時無礙道中修十九行謂鹿等三行有漏無漏十六聖行八解脫道中修二十二行謂鹿等三行止等三行有漏無漏十六聖行最後解脫道中即修此二十二行亦修未至初禪無量行聖人離初禪欲時無礙道中修十九行謂鹿等三行十六聖行唯修無漏非有漏最後解脫道即修此二十二行亦修未至第二禪無量行乃至離無所有處愛亦如是問曰何故初禪邊修有漏無漏行上地邊唯修無漏不修有漏耶答曰初禪邊有有漏無漏聖行是故修上地邊唯有有漏行無有漏無漏聖行是故唯修無漏行復有說者凡夫人離欲愛時九無礙道中修九行謂鹿等三行慈悲喜捨不淨觀安般念八解脫道中修十二行即上九行及止等三行最後解脫道中即修此十二行亦修未至初禪無量行聖人離欲

愛時無礙道中修二十五行謂鹿等三行慈悲喜捨不淨觀安般念有漏無漏十六聖行八解脫道中修二十八行即此二十五行及止等三行最後解脫道中即修此二十八行及修未至初禪無量行上地邊如上說

問曰何故初禪邊修如是等諸行上地邊不修耶答曰初禪邊有種種善根故修如是等諸行上地邊諸善根少故不修如是等諸行復次欲界有種種煩惱故須種種對治上地無種種煩惱故不須種種對治此中所說諸行在於現在俱行其重同所作同所緣如上說未來世所修行爲何所緣耶答曰離欲愛時九無礙道中鹿等三行修者緣於欲界八解脫道中鹿等三行修者緣欲界初禪止等三行修者緣於初禪最後解脫道中鹿等三行修者緣於三界止等三行修者緣於初禪乃至非想非非想處離初禪欲時九無礙道中鹿等三行修者緣於初禪八解脫道中鹿

規九

十

等三行修者緣於初禪二禪止等三行修者緣於二禪最後解脫道中鹿等三行修者緣於三界止等三行修者緣於二禪乃至非想非非想處離第二禪欲第三禪欲應隨相說離第四禪欲時九無礙道中鹿等三行修者緣於第四禪八解脫道中鹿等三行修者緣第四禪及空處止等三行修者緣空處最後解脫道中鹿等三行止等三行修者緣於空處乃至非想非非想處問曰若離第四禪欲時八解脫道中鹿等三行修者緣於第四禪及空處者識身經所說云何通如說頗有無色界繫心能知色無色界耶答言不知答曰彼中遮一刹那頃不遮多相續若於一刹那頃能知色無色界者無有是處彼解脫道起現在前者未來修行者或緣色界或緣無色界是故一刹那頃不知多相續則知二說便為善通離空處欲時九無礙道中鹿等三行修者緣於空處八解脫道中鹿等三行修者

緣於空處識處止等三行修者緣於識處最後解脫道中鹿等三行止等三行修者緣於識處乃至非想非非想處離識處欲離無所有處欲應隨相說問曰何故禪中所修諸行緣於三界無色中所修諸行唯緣無色界耶答曰禪能徧緣能緣自他能緣下地亦緣上地無色定不能徧緣唯能緣自地及緣上地不緣下地以是事故禪中所修諸行能緣三界無色中所修諸行唯緣無色界欲界繫見道所斷結種斷為何沙門果攝問曰何故作此論答曰諸煩惱先分別在界未分別種今欲分別種故而作此論欲界繫見道所斷結種斷為何沙門果所攝答曰四沙門果攝或無處所四沙門果者須陀洹須陀洹果攝乃至阿羅漢阿羅漢果攝無處所者凡夫人離欲無處所離欲人得正決定見道中十五心頃無處所次第人見道中見道諦二心頃無處所如是等時欲界見道所斷結

種斷無處所欲界繫修道所斷結種斷為何
 果攝答曰阿那含果阿羅漢果攝阿那含阿
 那含果攝阿羅漢阿羅漢果攝無處所者凡
 夫人離欲無處所離欲人得正決定十五心
 頃無處所次第人不得言無處所所以者何
 離欲愛時最後無礙道斷修道所斷結解脫
 道生時即阿那含果所攝色界繫見道所斷
 結種斷為何果攝答曰四沙門果攝或無處
 所四沙門果如上說或無處所者凡夫人離
 色愛時無處所離色愛人得正決定十五心
 頃無處所次第人不得言無處所所以者何
 道比忍畢竟斷此結道比智生時彼斷即為
 果攝色界繫修道所斷結種斷為何果攝答
 曰阿羅漢果攝或無處所阿羅漢阿羅漢果
 攝無處所者凡夫人離色愛無處所離色愛
 人得正決定見道中十五心頃道比智現在
 前無處所次第人離第四禪欲證最後解脫
 道無處所離空處愛時九無礙道九解脫道

無處所乃至離無所有處愛時亦如是離非
 想非非想處愛時九無礙道八解脫道時及
 色界繫修道所斷已斷已知結無處所無色
 界繫見道所斷結種斷為何果攝答曰四沙
 門果攝四沙門果如上說此中不說凡夫人
 無處所所以者何無有凡夫人能離非想非
 非想處愛者次第人亦不得言無處所所以
 者何道比忍畢竟斷此結道比智現在前時
 彼斷即為果攝無色界繫修道所斷結種斷
 為何果攝答曰唯阿羅漢果攝此中無離欲
 凡夫人所以者何無有凡夫人能離非想非
 非想處愛者次第人亦不得言無處所所以
 者何金剛喻定畢竟斷此結初盡智生時彼
 斷即為果攝謂阿羅漢果
 結有五種謂見苦所斷種乃至修道所斷種
 問曰何故作此論答曰先分別煩惱在界有
 二種未分別五種今欲分別故而作此論見
 苦所斷結種斷為何果攝答曰四沙門果攝

或無處所四沙門果如上說無處所者此中不應說凡夫人離欲次第人見苦時一心頃見集時四心頃見滅時四心頃見道時三心頃是時見苦所斷結種斷彼斷非果攝見集所斷結種斷爲何果攝答曰四沙門果所攝或無處所四沙門果如上說無處所者此中無有凡夫人離欲次第人見集時一心頃見滅時四心頃見道時三心頃是時見集所斷結種斷彼斷非沙門果攝見滅所斷結種斷彼斷何果攝答曰四沙門果或無處所此中不說凡夫人離欲次第人見滅一心頃見道三心頃是時見滅所斷結種斷彼斷非沙門

規九

十三

喻定畢竟斷此結初盡智現在前彼斷即爲果攝謂阿羅漢果
結有九種苦法智所斷結種苦比智所斷結種集法智所斷結種集比智所斷結種滅法智所斷結種滅比智所斷結種道法智所斷結種道比智所斷結種修道所斷結種問曰何故復作此論答曰先分別煩惱在界有二種有五種未分別對治斷種今欲分別故而作此論苦法智所斷結種斷彼斷爲何果攝答曰四沙門果或無處所四沙門果如上說無處所者凡夫人離欲無處所離欲人得正決定見道中十五心頃次第人見苦三心頃見集四心頃見滅四心頃見道三心頃是時苦法智所斷結種斷彼斷非沙門果攝苦比智所斷結種斷彼斷爲何果攝答曰四沙門果攝或無處所四沙門果如上說無處所者此中不說凡夫人離欲次第人見苦一心頃見集四心頃見滅四心頃見道三心頃是時苦

比智所斷結種斷彼斷非沙門果攝集法智所斷結種斷彼斷為何果攝答曰四沙門果攝或無處所四沙門果如上說無處所者此中不說凡夫人離欲無處所離欲人得正決定見道中十五心頃無處所次第人見集三心頃見滅四心頃見道三心頃是時集法智所斷結種斷彼斷非沙門果攝集比智所斷結種斷彼斷為何果攝答曰四沙門果攝或無處所四沙門果如上說無處所者此中不說凡夫人離欲次第人見集一心頃見滅四心頃見道三心頃是時集比智所斷結種斷彼斷非沙門果攝滅比智所斷結種斷彼斷為何果攝答曰四沙門果或無

規九

十四

處所四沙門果如上說無處所者此中不說凡夫人離欲次第人見滅一心頃見道三心頃是時滅比智所斷結種斷彼斷非沙門果攝道法智所斷結種斷彼斷為何果攝答曰四沙門果或無處所四沙門果如上說無處所者凡夫人離欲無處所離欲人得正決定見道中十五心頃無處所次第人見滅三心頃見道三心頃是時滅法智所斷結種斷彼斷為何果攝答曰四沙門果或無

規九

十五

乃至道比智所斷結種若解脫道斷結者智
捷度說云何通如說諸結見苦斷彼結苦智
斷耶答言彼結苦忍斷諸結乃至見道斷彼
結道智斷耶答言諸結道忍斷答曰應作是
說諸結無礙道斷問曰若然者智捷度說善
通此文所說云何通如說苦法智所斷結種
乃至廣說答曰此文應如是說結有九種苦
法忍所斷結種乃至道法忍所斷結種而不
說者有何意耶答曰忍屬於智是智眷屬若
忍所斷亦名智斷猶如屬王之人若有所作
亦名王作彼亦如是復次無礙道斷結解脫
道持令不動若解脫道不重持者則煩惱更
生而為過患如人先撲怨家卧於地上後一
人來重持令不動若後來人不重持者則怨
家更起而為過患又如有入從其舍內逐怨
家出後一人來牢閉其門雖復一人逐怨家
出後人若不牢閉門者則怨家還入而為過
患亦如有人先盛毒虵著於瓶內後一人來

牢蓋其口雖復一人先盛後來之人不牢蓋
口則毒虵還出而為過患彼亦如是
復次無礙道斷結解脫道功多如根捷度說
此中復廣分別復次無礙道斷結彼斷解脫
得與解脫俱生以俱生故解脫道亦名斷結
復次無礙道斷結解脫道共無礙道同作一
事以同作一事故解脫道亦名斷結

阿毗曇毗婆沙論卷第四十九

規九

匿王力上尼反徑路定上古撲蒲角反

十六末

阿毗曇毗婆沙論卷第五十

規十

迦梅琴子造北涼沙門浮陀跋摩共道泰譯

使捷度人品之二

結有十五種欲界見苦所斷結種乃至修道
所斷結種色無色界結亦如是問曰何故復
作此論答曰先分別諸煩惱在界二種五種